

佛山忠義鄉志卷五

教育志一 凡二



佛山學堂 師範講習所 公立各小學 民立各小學

女學 義學 教育會 勸學分所 各國學校 學塾

附書院 汾江義學 社學 詩社

國家之治亂視乎人才之消長而人才必出於學校此古今中外不易之理也我國學制肇自羲軒三代以來其法寔備朱子序大學一篇言之詳矣自秦縛束其民舉古制而芟夷之學子遂無所措而猶令以吏為師亦未嘗禁民習法律也漢唐以來以詞章取士學者以是應教者即以是為教非早歲通籍不能肆力於羣藝間有特達之士亦其得天獨厚能自得師故能出為世用國家賴以措拄此天之不亡中國非區區若庠若監二三儒學教習之設

佛山忠義鄉志卷五

教育一

序例

一

遂能得人也自海禁大開中外無間考其政教類能講求實用人

才皆出於學校亦有儒先崛起其間

儒先見史記匈奴傳

用是雄長寰區我

國因以不競豈非人才之得失學制修明不修明之故哉光緒朝

預備立憲首重教育京師建大學堂各行省郡邑以次興學奏定

章程頒行天下於是學務為之不振論者或以變古為疑不知分

科立教即三物六藝之寄也循序升學即家塾黨庠術序國學之

大小相維也比年考校而積分行藏修息游而時間定教之數日

教之數與方名而幼稚有學教於宗室教於公宮而女子有學其

備如此則今之興學謂之復古可也外國得其意而興我則禮失

而求諸野又何嫌焉吾鄉為繁盛市鎮學制得與府縣同光緒季

年遵部章改書院為學堂自是各學相繼而起或官立或公立或

私立皆以畢業為期限又有勸學分所教育分會提挈鼓舞雖未

能較若畫一而大致可觀矣近且女學林立專修學塾亦如法改良足補公家之不逮其教會學堂設立在前按其學科與部章同故人多入焉此吾鎮學務之大較也明魏提學廢淫祠爲書院而文化興今改書院爲學堂於義較近其未改者或結爲詩社亦保存國粹之一道且教科所應有也從此人才輩出爲國宣勞大我中華卽基於此而要其指歸必以禮義廉恥爲範圍孝弟忠信爲根本道藝之林圖書之府鄒魯海濱匪今振古作教育志第五

學堂

佛山學堂 在豐甯舖衙旁大街原辦高初兩等小學光緒三十年由闔鎮官紳就佛山書院改建咨部立案洗寶幹有記

佛山學堂記

粵在庚子之歲拳匪構釁都城陷逾年和議成我皇上奉皇太后自西安回鑾是時創鉅痛深公私塗炭懼國勢之就弱人才之不振下詔罪己與天下更始以人才出於學校京師重整大佛山忠義鄉志卷五 教育一 二

學堂

學堂欽定章程頒行天下各行省郡邑以次興學可謂靡矣嗣以奉行者不能心知其意輒爲因咽廢食者所藉口甚或借營私利獄訟繁興學務遂壞癸卯西林岑公督粵奏設學務處遵旨罷所屬書院改建學堂遲疑觀望立提資產入官檄到佛山學子皇皇謀所以保其國粹者備至山陰葛欣堂司馬進都人士而商馬寶幹告養在籍亦與於斯會梁淪侯孝廉采民辦主義首以建學請或以科舉未停爲難寶幹曰法隨時爲變通學問之道互古不易今之學級卽三代學校之制但盡吾應爲之學以循序漸進則體立用行隨所取而皆有以應顧可妄自菲薄哉風會所趨義在利導失今不治後將難堪雖有智慧不如乘勢今其時矣司馬躉之莫東生工部戴仁甫孝廉主局務張卓凡封翁爲大魁堂值理首先贊成於是定議改佛山書院爲學堂撥堂局餘積爲開辦經費不敷則由司馬撥各項官款以濟其常年經費遵旨取之鎮內廟租量其所入酌提成數歲以爲常司馬與陳謹庵少尹復割俸錢輸歲捐爲士民倡二者有著乃博采各學校形式酌中定制會湖北大學堂教員羅君海田假旋聘爲管學兼督理建置事宜規畫益備以二月望後興役七月學期前告竣選士如額筮日開學四方於是乎觀禮佛山爲繁盛市鎮學制得與府縣同聰俊子弟文理明通涉知西學者所在多有惟學戒嚴等故見定學級悉依高等小學程度合格者入焉額曰佛山學堂不署級備擴充也方事之始仰屋無籌深以擾民是懼又監於近日風潮不無疑阻幸在事諸君同舟共濟通權緩急以公埤公有條陳抽派者置勿論故自經始迄歲事人無異議而怨讟潛消者在事之勤司馬護持之力

也學成戴少懷侍郎來書兢兢以正宗旨相屬伏思學堂之設所以激發忠愛造就通材奏定章程宗旨甚正晉臣稽紹有言願陛下無忘金墉願大司馬無忘穎上願大將軍無忘黃橋今日敢進一言曰願天下臣民無忘國恥凡朝廷建學之意與士子勵學之心胥在是矣爰述序源委復本戴侍郎來意謹遵欽定宗旨衍為學銘其詞曰

國於天地必有與立立國之道首在殖民民何以殖是集羣益集益之道匪學曷藉自古在昔學制修明德行道藝儲為國植春秋之季法制雖弊列國競雄材能尚貴異說乘之迷厥本旨冒上亡等大亂以起天生孔子百世之師挽之俾正大義朗垂儼儀比德宙合同文凡有血氣莫不尊親自此中國為倫物祖寰海星羅胥臣胥土我恃而驕彼懼而學責實屏虛操約致博小大校舍徧於國中新理迭勝與我古同兵農工商揆一於土瘠磬殘形各知生理以此立國國用富強以此殖民民樂康數十年間縱橫海上我國不競權利盡喪閉關不能師敵又恥六弱四貧至斯極矣天啟聖清運際中興我皇赫奮其茲其懲乃開明堂觀政於良乃開辟雍觀學於通中學為主西學為輔失傳我還未備我補泰西有儒類能著書審擇在我不病涂殊綜其歸旨元本六經綱常名教炳若日星何謂自由君子素位見賢思齊平等之謂嗟我髦士濟濟莘莘象勺風古絃誦日新既知素位越職宜戒既知齊賢自修宜邁魯侯視學匪怒伊教善誘循循敢勿則倣若其弗率古有教刑三犯不變移之郊坰保種保教要於保國南皮有言未可菲薄惟敦學半大雅同扶勒此名詞敢告僕夫光緒三十一年乙巳

佛山忠義鄉志卷五

教育一

按佛山學堂本書院舊址闔鎮士民捐置咸豐中學憲蒞

佛改作考棚規模本極宏敞及是改建學堂設高等小學

逾年附設初等小學為兩級小學堂民國元年南海督學

局附設於此後將初等小學改設於祖廟舖協天勝里本

校專辦高等前後十三年畢業五次旋改為縣立第一師

範講習所高等小學亦停其初等小學改為國民學校分

設二所於黃傘舖觀音堂舖此沿革之大略也夫學制之

廣狹視財力之贏絀與人才之多寡以為衡原題不畧級

命意良遠校地本寬前與田心書院祇隔一畦接連亦易

他日宏規大起其學制亦可隨時變通是所望於主持風

會者矣今名佛山忠義學堂圖在卷首

南海縣立第一師範講習所 在衙旁街佛山學堂原校民國五

年冬鎮紳奉縣署令籌辦翌年三月開學經費就佛山捐款提撥設所長一人教員八人學監文牘支應庶務各一人講習生兩班各五六十人一年畢業其餘悉仿照省立師範講習所辦理民國十年前後畢業三次共百九十二人所長戴鴻惠

簡易師範講習所 一在祖廟舖協天勝里文昌宮一在觀音堂舖大墟華光廟公所光緒三十二年設立畢業者百餘人

單級師範講習所 在觀音堂舖古洞直街佛山教育會設立民國三年立案畢業者六十餘人

按鎮內師範講習所之設不止一次雖同爲造就師資而設然指撥的款定爲縣立且期限較寬成就較廣能廣續辦理至五年者惟縣立一所而已因首列之其餘亦以性質相同并附於後

以上據縣勸學所及大魁堂舊案暨採訪冊參修

佛山忠義鄉志卷五

教育一
高小學

四

公立各小學

南海縣立第三高等小學校 在衙旁街師範講習所卽佛山學堂故址民國十年九月南海縣知事張國華縣勸學所所長霍乃暉將原有師範講習所改辦由佛山花筵捐附加項下歲撥一千四百四十元爲常費蓋卽講習所原有經費之一部也學生每年收費六元校長一人職員二人教員四人學生一班四十人校長黃德中

南海縣立第一乙種商業學校 在協天勝里文昌宮民國十年九月與縣立第三高等小學同時設立經費亦同學費免收校長一人職員二人教員四人學生一班定額三十六人校長關秉藩南海第四區第一國民學校 在三聖宮前南順祠道民國九年縣知事何惺常會同鎮內紳董籌設經費就地方提撥並由縣署

每年補助二百元校長教員各一人學生一班七十餘人免收費
南海第四區第二國民學校 在觀音堂舖仁壽寺內學生一班
共若干人餘同第一校

佛山鎮立第一國民學校 在黃傘舖居仁里石渠黃公祠內民
國六年大魁堂紳董將佛山學堂經費設立校長兼教員一人教
員一人庶務員一人學生一班現校長何延齡

佛山鎮立第二國民學校 在觀音堂舖大墟西賢里王家廳內
民國六年與第一校同時設立初在觀音堂舖仁壽寺後遷今址
校長鄭煊之餘同第一校

以上據縣勸學所表
冊暨採訪冊參修

按鎮立初等小學民國二年始由佛山學堂分設校址原
在祖廟舖協天勝里文昌宮旋遵部章改稱國民學校是
時祇有一所至民國六年因辦縣立師範講習所遂停辦

佛山忠義鄉志卷五

教育一
高小學

五

高小將原有經費分設國民學校兩所於是始租賃現有
房舍以充兩校之用

私立各小學

時濟學堂 在祖廟舖麒麟里明殿黃公祠後遷大基舖關巷惜
字社學兼辦高初兩等小學光緒二十八年鎮人黃濟廣倡辦校
長陳秉韶學生五十餘人光緒三十四年停辦

採訪
冊

真明高初兩等小學堂 在真明舖塘邊坊光緒三十二年鎮人
陸鶴儕林文緣溫翰卿吳星樵捐資設立初辦初等三十四年兼
辦高等校長陸頌清林超常學生每班六十餘人歷辦畢業四次

今停採訪
冊

求強學堂 在觀音堂舖福山古洞兼辦高初兩等小學光緒三
十二年開辦校長曹漢存光緒三十四年停

五全學堂 在沙洛舖半邊街梁青厓先生祠兼辦高初兩等小學光緒三十二年梁氏家族設立校長梁惺伯學生兩班各四十餘人民國元年停辦

時中學堂 在岳廟舖錦慶里任家廳兼辦高初兩等小學光緒三十二年任氏家族設立校長任榮秋光緒三十四年停

新志學堂 在觀音堂舖古洞直街曹家祠為梁氏家族初等小學宣統二年開辦校長梁惺伯學生四十餘人民國二年停

敦信學校 在觀音堂舖蓮花地王氏家廟兼辦高等小學國民學校王氏敦信堂設立校長黃文燦學生四十餘人九年停辦

據採訪册

節芳學校 在豐甯舖衙旁大街購就舊分府署劃出改建兼辦

高等小學國民學校民國八年鎮人傅瓚瑩奉其母節婦李氏命

佛山忠義鄉志卷五

教育一 高小學

六

捐資設立所有購地建築開辦費常年費概由傅氏一家任之學生一律免收學費總理吳鏡泉董事戴鴻惠溫幹卿等校長陳祖禧又職員三人教員六人學生有高小國民各一班共八十餘人此外尚有義學十一間分設各舖統以節芳名校在義學類戴鴻惠題額洗寶幹有記採訪册

傅氏節芳學校記

興學育才者地方有司之責而士大夫所宜有事者也若夫婦人女子懷貞抱節已足為鄉里重况能舍一家之財以興學為已任明倫立教澤及一鄉不尤難能而可貴耶賢如傅母足以風矣傅母李太夫人青年守節有姑在堂家貧以女紅佐甘旨戚族稱孝子二長翼鵬次雷林鞠育教誨劬勞備至稍長以翼鵬工會計令赴港習商務歸林仍業儒授徒為生且試且讀翼鵬以信義為商場重甫展發而雷林卒矣母泣然進翼鵬而謂之曰乃弟聰俊本欲其讀書成名以慰我志不幸中折遺孤乘常及而子均當教之讀書俾成大器且人不讀書即不明理又安能幹事可任其荒嬉哉翼鵬奉教惟謹且知母之志願大也乃令其子金成及姪就業港立各學因得備悉學制與諸學科分合同異之故既畢業太夫人喜謂翼鵬曰君子恥獨為善佛山學堂雖多而統系不相屬汔未完備余節衣縮食稍有蓄積

今付汝辦學其悉心爲之但使鄉中學子多一成材卽國家多收一人之用餘亦知書識算可以謀生吾願慰矣翼乃相校地備價領得衙旁街官產改建校舍設高等小學以初等小學附先是太夫人守節合例得旨建坊晉一品封典及學堂落成卽以節芳名校善則歸親廣教化美風俗於是乎在又設義學十一所爲高小之預備一家建學層級櫛比如此良不易得教員皆一時之選懸格招生不收學費太夫人復時出私財優給獎品以故士皆嚮學成就者眾名譽爲闔鎮冠學成之日太夫人扶杖往觀翼鵬率子姪出迎生徒環立彬彬有禮與楊嗣復故事無異太夫人顧而樂之嗣復知貢舉亦率生徒迎父楊汝士獻詩云文章舊價留鸞掖桃李新陰在鯉庭移贈傅氏有厚期焉翼鵬父子在港經商姪秉常由大學出身今任瓊海關監督不能常川駐佛經畫一切委之其戚吳君鏡泉吳君與其子采南素嫻學務用能措置裕如歲在辛酉第一次畢業采南繼父志董厥事相約參觀見其規制之美陳列之富分科授教諸生亦恪守秩序動嫻禮節喟然歎曰國家治教休明其在斯乎吾因之有感矣顧亭林謂天下安危匹夫有責余請廣其義曰匹夫匹婦無不有責古之妾婦有不恤其緯而憂宗周之隕者顧安得賢如傅母與其子若孫之相繼奮起以奠我國於泰山磐石之安而馴致乎一道同風之盛也哉吳君遂請余爲記事關教育義不敢辭既序其事復系之銘以聲之其詞曰惟天南之巨鎮盛衣冠於海隅有傅巖之華胄蟠仙李而奠居荷歟母氏摩笄矢志如日斯瑩如嶽斯峙無孤有成聞於闕庭宜爾孫子中外蜚英維時我國紛議建學母乃出資財任圖度

佛山忠義鄉志卷五

教育一

七

高小學

子賢能稟聖善增式廓小大相維遠近交錯於鑠哉孝首百行節重三綱惟敬教之本立故勸學之用彰鳳階之濱鶯岡之麓辟雍海流爾肅爾穆挹彼履素昭我管彤莘莘學子宜錄一通中華民國十年歲次辛酉洗寶翰撰

道濟學校

在福德舖金線街兼辦高等小學國民學校民國八年鎮人鍾妙真捐資創辦校長何國霖教員八人學生兩班共百餘人年收學費二十四元民國十一年停辦

啟華學校

在潘涌舖松桂里兼辦高等小學國民學校民國九年鎮人陸劍波創辦教員二人學生四十餘人

培根兩等小學堂

在缸瓦欄烏利廟西約以舊舖改建宣統元年七月開辦

貞廉高等小學校

在福德舖舍人廟前惺台公祠民國七年何迺幹林子麟設立全以學費爲經費年約三百六十元每生年收學費十五元校長何迺幹教員林子麟現有一年級生一班

年七月開辦

縣志

庚戌
縣志
據縣
勸學

册所表

三民學校 在福德舖大門樓民國十一年就原日公理學校改

辦高等小學兼國民學校名譽校長李寶祥校長謝英伯教員十

一人學生七班共二百餘人高小學費十四元國民班十元堂費

四元採訪册

三民第二高等小學國民學校 在富民舖遇龍橋民國十一年

開辦採訪册

女學

汾儀女學校 在觀音堂舖沙塘坊兼辦高等小學國民學校民

國六年開辦校長羅芬亞學生三十餘人因人少款絀翌年停辦

採訪册

樂育女學校 在明照舖石街頭校長勞氏學生二十餘人採訪册

佛山忠義鄉志卷五

教育一

八

女學

季華女學校 在石路舖石路頭大街兼辦高等小學國民學校

民國九年校董郭協和郭式金郭而壽暨省立女子師範畢業生

郭慕蘭郭鑑冰等創辦常費三千二百元學費高小每年十六元

堂費四元國民三四年級十二元一二年級十元堂費二元校長

郭鑑冰職教員共十二人現有學生七班高小六十三人國民班

百一十人共一百七十三人用複式教授據縣勸學所表册及採訪册參修

季華女校成立記

禪於我國為四巨鎮之一貨物全涌商賈騰逐熙來攘往有汽
車以交通羅肆駢延居室如櫛士女雲屯靡不繁且盛也而顧
無女學郭鑑冰慕蘭淑真三君畢業於省垣女子師範學校之
歲憫禪地女界之陋憊慨然引為己任既相校址未得先後為
女校聘充教席年假旋里得址於鎮內石路頭大街乃捐囊金
葺講舍親經始其中因名校為季華兩等小學余初不知也李
生慕貞來告曰郭君興辦女學有志竟成為禪地所未有其開
辦費悉自任之而收生徒學金以補常年經費所延教員梁羅
二氏皆慨膺義務不辭况瘁某亦襄其事以成郭君之志願有
記余憶三郭之議立學禪地也蓋耳熟能詳矣既為他校所聘
意其中輟不謂成且若是之速而其女友皆能輔仁成美此又

可感者也莊子不云乎人而不學謂之視肉學而不行謂之撮
三郭前在師範學校為校中高材生曾從余遊茲本所學以
教人可免為撮囊矣今而後禪地女界之不為視肉則諸君之
功也為我語三郭益加勉焉使他年女學之盛甲於吾粵而與
其地商務爭盛比肩則今日之為特嚆矢耳李生日善遂為文
以記之中華民國九年二月一日番禺石光瑛記

肌採訪
坤本女學校 在富文舖承龍街民國七年設立兼辦高等小學
國民學校校長一人教員四人學生六班百二十餘人校長陳雪

權中女學 在潘涌舖源匯里民國十年設立採訪

義學

簡易識字學塾 一在觀音堂舖仁壽寺一在東頭舖走馬燈宣
統二年佛山自治研究社設立不收學費並給書紙筆墨民國元

年以款絀停辦採訪

信文訓蒙義學 在祖廟舖祖廟大街光緒三十二年眾勝堂主

佛山忠義鄉志卷五 教育一 九

義學

人李兆基捐資設立學生概不收費校長梁伯熙職員三人教員
三人學科依照小學定章學生兩班各四十餘人用單級編制歷
年畢業者六十餘人鎮人盧公輔有記採訪

信文訓蒙義學記

光緒宣統間吾鄉民立小學無慮數十然有一二年而輟者有
三四年而輟者有成立逾十年而亦終輟者至比年以來存者
十不得二三且一學之興也恆以數人或十數人之力成之若
夫以一人興之而又能歷十餘年而不輟者厥惟信文義學信
文學校者李君兆基手自規畫者也創始於光緒甲辰迄今十
八年矣余姪天祐適承乏是校任教員因得悉其緣起及歷年
成績唱然歎曰古人事業不問大小惟不驚虛名不求速效者
斯能歷久而不變今觀於李氏義學而益信矣原夫設學者之
初心未有不欲垂諸久遠者然或徇一時好名之心遂忘百年
樹人之計進銳退速中道而廢比比然也今信文義學不然程
度學科不過求乎高深教授設備一切期諸實用是以不稱學
校而稱義學並質而名之曰訓蒙不驚名也至其因勢利導循
序漸進則運以精心持以毅力不求速也嗚呼李君可謂知本
矣雖極學務衰落之時而信文一校能巋然獨存且至今日不
廢者良非偶然也故人皆以興學稱李君而輔則謂立學者人
所同而李君斯校實有合於久道化成之意其足為後人取法
者尤大不徒嘉惠寒峻澤及桑梓已也爰撰為此記匪直以表

李君且爲世之辦學者告也
民國十一年歲在壬戌里人盧公輔

傅氏節芳義學 民國七年鎮人傅瓚瑩母李氏由箇人捐資設立不收學費併給紙筆以利貧民計分十校校址詳後

節芳第一義學 在大基舖關巷惜字社學民國七年設立總理吳鏡泉校長羅文望學生一班六十人

節芳第二義學 在岳廟舖永豐社前街校長區澍畦學生四十人餘同第一校以下做此

節芳第三義學 在社亭舖竹欄朱紫市校長何獻士學生五十人

節芳第四義學 在柵下舖嘉賢里冼家祠校長盧蔭卿學生五十人

節芳第五義學 在明照舖細橋頭布氏祠校長吳清蔭學生五十人
佛山忠義鄉志卷五 教育一 義學 十

節芳第六義學 在觀音堂舖涌邊五行里口陳家祠校長何藝伯學生五十人

節芳第七義學 在豐甯舖杉街彭家祠校長何念慈學生六十人

節芳第八義學 在橋亭舖村尾會真堂校長楊昌爾學生六十人

節芳第九義學 在醫靈舖萬壽坊校長洪佑天學生六十人

節芳第十義學 在社亭舖竹欄朱紫市即第三義學夜學部校長甘湛若學生四十五人
民國九年增設以上據採訪冊

南洋竹嘴廠義學 在柵下果欄街民國十年南洋兄弟煙草公司簡照南玉階英甫兄弟創辦司理吳仲文教員袁心恪學生百

餘人不收學費里人洗瑛有記採訪

南洋竹嘴廠立學記

國勢之強弱視人才之盛衰尤視教育之得失孔子策衛既庶加富既富加教有程序焉我佛山素稱繁庶邇者工商失業方謀生之不暇奚暇言學南洋兄弟煙草公司簡氏昆仲具大願力地方所倚為緩急者也其在佛山設煙竹嘴廠於柵下舖果欄街就業者數百人貧戶賴之總司理吳君仲文復言於簡氏曰此地人心淳樸惜讀書者少養而不教於義未備計當創設義學惠此一方定額百名免收學費且給諸生以書籍筆墨無有不樂從者費用由本廠負擔兼可就近照料計莫便於此簡氏昆仲慨然諾之遂於辛酉年正月立學於是廠之左近鄰塾師袁心恪者畢業師範品學為鄉里重聘任教授於是絃誦之聲騰於柵水樵兒牧豎皆負書擔囊彬彬焉有鄒魯風矣學風丕振將來人才輩出亦基於此不禁為我鎮人額手稱慶吳君曰佛山夙著殷富官立公立私立各學雲連櫛比文物之盛聞於省會區區一校何足比數然而簡氏教育家亦慈善家也地方遇災變饑饉無不力任拯濟為中外所共知今營業佛地休戚相關近年倡復嬰堂增拓醫院及修築通濟橋石路皆捐款數千至萬况學務之大關係人才將來擴而充之亦必竭其棉力以隨鎮人之後一簣方始忝膺褒美反增我歎耳余聞而嘉焉曰古所謂勞而不伐有功而不德者簡氏之謂乎而益歎簡氏願力之大吳君贊畫之善袁校長教育管理之勤相得益彰其有造於吾鄉者為甚遠也於是撰為此記錄之吳君以說簡

佛山忠義鄉志卷五

教育會

十二

氏遂書而勒之校壁簡氏昆仲長照南次玉階季英甫皆時望也民國十年歲在辛酉鎮人洗瑛

教育會

佛山教育會

原設山紫舖南泉觀音廟左田心書院內繼遷觀

音堂舖涌邊仁壽寺民國二年鎮人梁瀚侯馮伯緝任雉翹黃任

侯等倡設會員二百餘人經呈請省教育司批准立案民國三年

曾辦單級師範講習所畢業者六十餘人採訪

勸學分所

佛山勸學分所

附設於大魁堂內有勸學員二人民國後停辦

採訪

各國學校

華英學校 在文昌沙尾民國三年基督教循道會設立兼辦中

學高等小學及高小預科監督為英人黎伯廉氏中西職教員共

十四人學生八班百五十八人常費萬四千元由兩廣循道會供給中學生收學費四十元小學三十元校舍規模頗大據該校民國八年報告建築費一項已達九萬金俱由英國會友捐助云

據採

訪册及該校報告
華英國國民學校 在古洞直街民國六年基督教循道會設立民國八年停辦

培德學校 在大基舖迎雲街福音堂基督教循道會設立兼辦高等小學國民學校亦名循道學校校長英人黎伯廉氏學生三十人學費由文昌沙華英學校支給

聖德學校 在柵下舖廣德里福音堂民國八年基督教循道會設立創辦人文兆常年費四百元學費每年四元校長文兆職員八人教員三人學生兩班各十二人

佛山忠義鄉志卷五

教育一

十三

各國校

公理學校 在福德舖大門樓民國九年設立兼辦高小國民學校及蒙學監督爲美國人伍賴信氏校長梁銘恩中西男女教員九人學生六班共百餘人民國十年冬因監督伍氏返美另行改組易名爲三民高等小學兼辦國民學校復設第二校於富民舖

遇龍橋

公理小學 在汾水舖西便巷民國十一年開辦

怡和連女學校 在文昌沙尾民國六年基督教循道會設立兼辦高小國民幼稚園中西男女教員八人學生四班約百人

樹德女學校 在豐甯舖走馬路沐恩里兼辦高小國民幼稚園民國七年倫敦會基督教徒設立常年費一千元學費每年十元校長黃培光教員八人學生九級合七十餘人

伯特利女學 在石路舖石路頭基督教徒設立

以上據採訪册

學塾

岳廟舖 九間

大基舖 十七間

豐甯舖 八間

嶼岐舖 十間

黃傘舖 十間

鶴園舖 六間

汾水舖 十八間

沙洛舖 七間

觀音堂舖 二十四間

福德舖 十九間

祖廟舖 八間

耆老舖 十五間

山菜舖 二間

潘涌舖 三間

柵下舖 十五間

富氏舖 十九間

錦瀾舖 四間

真明舖 五間

橋亭舖 五間

社亭舖 五間

石路舖 五間

醫靈舖 二間

仙涌舖 二間

彩堂舖 六間

明心舖 二間

明照舖 一間

文昌沙 一間

鷹嘴沙 一間

統計二百三十一間 採訪

佛山忠義鄉志卷五

教育一

三

學塾

按自試士改章學制遞變塾師以科學多非素習乃糾合同人立學會做簡易科設半夜學堂自是私塾改良其名者生徒多至數十百人 漢書項羽傳顏師古注數十人至百人也 學舍櫛比足補官立公立之不逮師範講習所亦畢業三次師資既備學務日有起色矣

論曰孟子曰得天下英才而教育之三樂也其法原於三代大旨

不外明倫近者學說明興或逾越軌道適足為前途礙京師稅務

學堂須有講義一道吾鄉談瀛客 道隆 主政所著 全文載佛山商報 洋洋

數千言於教育原理至為詳盡略謂德育智育體育三者為教育

大綱求之周禮儀禮曲禮諸篇無不備具則今之新學即謂之復

古可也大同之世選賢與能天下為公孔子已言之 禮記禮運篇宋儒陳澹謂

非孔子之言 所見亦偏 與今日國體適合故孔子為百世師富哉言乎孔子

以人倫明天道足以師表萬國東西各國儒者尙能言之見祠祀志各國

教堂而世遠居近反妄議掀翻哀莫大於心死豈不痛哉夫人倫

有五三綱為重三綱者君為臣綱父為子綱夫為妻綱也說載白虎通分

見諸經註疏談氏講義注重三綱於君臣一綱尤為剴切謂君之

與臣本無定程止有定理君出令者也臣行令者也凡物莫不有

主有從主權所在即不能廢其統屬故莊子曰君臣之義無所逃

於天地之間其斯為大同之理乎平髮紀略載洪秀全據金陵廢

則易於號召惑世誣民自此始古者朋友亦稱君臣史記陳餘見

張耳稱臣樊噲見淮陰侯亦稱臣今人私印用臣字本此君尊臣

卑定理也朋友亦可通稱故曰無定程而主權必定於一尊無論

君主民主反是必敗易曰陽一君而二民君子之象也陰二君而

一民小人之象也尤理之顯然者又引平天下章發摛絜矩道理

也震坎艮為陽卦巽離兌為陰卦所見尤大今之去君臣者以為說一君字即嫌於專制不知好惡

同民則為民父母辟則為天下戮亦何嘗有所假貸故利莫大於

人歸禍莫慘於身受君天下者可以知鑒戒矣漢末三綱既斃逢

萌去位恆以是覘國家之興亡而其先必有異說中於人心然後

釀成世變光宣之交何休公羊及黃梨洲明夷待訪錄兩書盛行

科舉時代士子為進身起見遂從風而靡至有今日之局公羊大

義原本春秋何休則動與相左又倡言黜周王魯實公羊罪人黃

梨洲明夷待訪則志在復清其書收入海山仙館叢書今有單行

本左傳伍員謂申包胥曰我必復楚復也何休離經畔道其人其書皆無足取梨洲一代大儒亦復

如是他何尤焉故儒者著書不可不慎竊謂三綱以君為重君綱

廢則父綱夫綱亦隨之而弛攘羊證父吾黨羞稱抉眼去夫杜陵

致歎尙何教育之可言哉今學堂林立新知日出諸教科書擇善

可從又各學俱重修身果能身體力行未嘗不可以敷敷文化惟

是玄黃遞嬗政紀滋焚論說多歧餘風未殄社會之習起於學堂

有不能不爲之深慮者故節錄談氏講義引申其說而幽言之且夫學校者人才之所從出也以其能富貴人也各等學堂出身見選舉志學校人才凡民視聽之所集也以其將出而治人也是故學校治則天下無不治但使主持學務與教者學者本此原理人人皆知明倫三育既備反而求之六經以遠承尼山道統聲明文物炳焉與三代同風焉吾又將以是爲左券也嗟夫風景不殊舉目有山河之異絃歌未歇普天皆虞夏之遺俯仰古今能無浩歎

佛山忠義鄉志卷五

教育志二

書院附

唐明皇置麗正書院聚文學之士是為書院之始宋有白鹿石鼓
應天嶽麓四大書院元時路府州並設書院皆能補學校之不逮
其設自民間者並名書院延師課士脩火膏獎悉地方任之餘亦
設會課以期召集故文風日盛吾鎮書院多創自明代讀諸碑記
前賢之關心文教藹然如見自改設學堂提其餘款歸併一校亦
無復會課或改設詩社亦國粹之一端至汾江義學即佛山書院
今改學堂故附書院後諸碑記存

佛山書院

在豐寧舖衙旁大街原為汾江義學後改稱書院嘉

慶七年同知楊楷移建於此二十四年重脩同知王繼嘉有記咸

佛山忠義鄉志卷五

教育二

一

書院

豐同治光緒間迭有脩葺至光緒三十年改為學堂舊碑照存

重修佛山書院碑記

皇帝御極二十四載寰宇清謐文教蔚興山陬海澨講舍相望
絃誦之聲相聞罔不篤志稽古研求實學冀為當世用佛山固
南海一鄉也衣冠士族環居萃處其子弟類皆穎異秀出能承
其先緒以故甲科冠一邑余蒞斯土三載民靖盜息幸際無事
鄉之人土合辭來言曰佛山之有書院前司馬楊公楷以舊地
卑溼卜宅遷建今十有八年矣惟是創造之始規制未宏又歷
年所摧墮及之大懼無以崇德廣業琢磨有成為邦家光夫興
教勸學固有司責也余心藏久矣第書院之前地甚隘民設蔬
果以鬻噫喧囂如市肄業者恆患其擾爰先捐俸金五百兩買
地建照壁於前繚以周垣左右置二門出入經界既正觀瞻壯
焉於是鄉人士若民忻慕義樂輸恐後工費不擾版築斯作
經始於是年春落成於十二月之望自門徂堂齋舍庖廩畢具
端序輪奐觀者動目煌煌乎較舊制加善矣今夫學校者王政
之本也鄉學者造士之原也成周盛時大夫自為教人自為學凡
飲射讀法之典皆於鄉是舉而又有鄉大夫州長以時書其德
行道藝而賓興之故風俗厚於閭里而人才足於王國今多士
幸生昌明之日又居海濱鄒魯之邦講勸有舍修息有所將見
經明行修者舒翹而競秀接踵而繼起上以仰慰朝廷崇建人
文之德意下足紹先聖往哲之風聲於無窮則斯地也且將與
鹿洞睢陽比烈又豈徒今日之規模已哉因書以為之記佛山
同知華亭王繼嘉撰嘉慶二十四年己卯十二月立

按書院之設導源於義學其始規模尙小嘉慶間楊司馬楷以舊地卑溼卜宅改建歲撥靈應祠租八十餘兩田心書院租四十兩爲延師脩脯課士膏火費越十有八年王司馬繼嘉拓而大之至咸豐甲寅燬丁巳洋人駐兵會城闔府人士議捐資改建考棚於此殷督學壽彭己未科試歲試庚申科試三度按臨嘗以佛山新建試院命題亦盛舉也辛酉洋人撤兵會城學署科歲試始仍舊同治丙寅李少府大經請於蔣中丞益禮捐俸倡修陳少府毓書繼之偕佛山人士復建書院延師講業仍署曰佛山向例肄業生分爲內外課內課納費六元外課三元每月四課其一爲官課由同知及五斗司巡檢主之獎賞甚優光緒間陳梅坪先生爲主講時人才最盛內外肄業者二百餘人

己丑科中式至十餘人及門多顯達之士如三水梁士詒新會梁啟超等其著者也光緒十五年闔鎮人士重修一次至三十年乃改辦學堂此沿革之大略也

據吳志同治縣志參修

田心書院

在山紫舖南泉觀音廟左康熙十二年僑籍人士建

據吳荷屋中丞重修記作康熙八年而鄉事志則作十二年

癸丑康熙庚午乾隆壬戌兩次重修俱作癸丑應照舊碑

地當閒曠彌望皆平疇近樾環青遠峯貢翠爲幽賞勝處鄉人士課文

咸集於此嘉慶四年里人吳昆同陳維屏請於總督覺羅吉發謀廠充公銀二千兩同知季永吉發充公羨餘二百兩置買舖產每年所得租息分撥佛山書院四十兩外餘爲多士會文之資道光十年吳榮光復請於總督李巡撫盧將查封鄉中賭博入官房產五所撥給田心書院總督李公仍恐不敷捐銀一千兩置買房產將每年各處租息增會文經費由值事定立章程稟督撫衙門存

案各鄉聞風而來會文者多至四五百人極一時之盛云從前諸生皆赴院會課至同治初改收外課舊規漸替然仍每月一會首名獎銀一兩其下以次遞減爾時獎賞固優文風亦盛蓋每月與會者尚三四百人也及光緒末年詔廢科舉文會遂停而經費亦因之改撥於佛山學堂矣其院地房舍至今猶存歷康熙乾隆嘉慶道光四朝重修者凡四次籌增經費者二次添祭器者一次均各有記今彙錄於右使後人得所考證焉

據吳志及採訪冊參修

重修田心書院碑記

鄉前輩陳雲麓太史作忠義鄉志其凡例首條即云鄉為都會地土僑錯處初無畛域之分惟君子為能通天下之志蓋必自同人於鄉始至哉言乎人苟胸無畛域廓然大公可以同人於鄉即可以同人於國於天下易所謂同人于郊同人于野者不外是矣我佛山鎮田心書院其始本僑籍人士所建而鄉中士友課文多集於此於時即不分土僑雖異鄉人士亦咸會焉猶之崇正社學本土籍所建而四季文課僑籍亦得與焉此吾鄉至親昆弟苟不同社即不免參商胸懷福陋至此居鄉如是欲

佛山忠義鄉志卷五

教育二

三

書院

望其立朝之無朋黨難已吾鄉人士獨無此弊蓋能深體斯文一脈之意而一視同仁此所以人文蔚起而科甲勳名非他鄉棟桷恒曠問多朽蠹眾議開簽重修願捐者不分土僑即異鄉人士亦多簽助斯又木前人之意擴而大之所謂通天下之志者此其基矣院內舊祀文昌帝君邇年增祀宋大儒先賢五子猶有關係俾入此者咸知文與道俱道因文顯故曰文所以載道也庶幾興起其任道之志而斯文有賴乎經始於嘉慶二年六月落成於九月始其事者給諫陳琬同先生倡之李庶常凝修及諸同人和之肩其勞者則區子應魁葉子楚華唐子融修暨子從姪作棟也潼愧與其名而未任其事工竣眾謂潼宜記之潼固不得辭也抑子有說焉序卦傳曰與人同者物必歸焉故受之以大有今書院之修課文之會既能與人同矣尤望諸君子擴其大之量事虛衷無我舍己從人戒刑公之堅僻慕韓范之和衷居鄉如是居官亦如是庶幾哉善與人同則斯世之豐亨豫大及聖賢之盛德大業俱由此而可致矣所謂物必歸焉而所有者大斯道斯民之任實有賴焉豈特文風日盛科第蟬聯為鄉國重已哉子蓋拭目俟之他日雖老猶將珥筆而紀其盛里人勞潼撰

嘉慶三年六月初一日重修值事陳其焜等立石
吉制府給發佛山田心書院會課支費并撥汾江書院膏火碑記

昔孔子為衛謀保庶之策示以富教二端遂為千古為治之大綱其自一鄉一邑以至治國平天下率不能外乎此我佛山素

稱富庶亦嶺海之間一都會也然前輩家雲麓太史作忠義鄉誌有云吾鄉謬以饒富聞而無蓄積之實每遇飢饉乏者輒數萬人飢寒切身不顧廉恥識者憂焉是庶則有之而富則未也邇年蒙列憲准建義倉收汾水正埠舖租艇租隨時積設以備濟飢之用雖未敢望家給人足之盛然凶荒有備庶得保厯之遺意茲又幸遇宮保大司馬制府吉公節制兩粵甫蒞任即以化民成俗為首務刊刻聖諭廣訓到處張挂以訓誘愚蒙又命各學廣文遍詣鄉落以土俗語解釋上諭使人易曉而於我佛鎮尤為留意嘗以事到鄉傳集紳士諄諄告誡委官擇端正耆民二十人賞以銀牌使之訓飭子弟復許令鄉中舉行鄉飲養老之禮俾後生有所觀感其教之也一何旃切歟吾鄉有田心汾江兩書院為造就人才之地署郡司馬李君蒞任捐俸親臨課士因將佛山賭坊充公羨項請於制府給為兩書院膏火制府既允其請復以佛鎮煤廠充公白金二千兩為田心書院生息課士之費餘以為汾江書院燈火之資遂言於方伯司寇觀察太守邑侯諸公無不贊成稱善公之惠及吾鄉一何有加無已哉歐陽文忠有云古之立學擇民之聰明者而訓焉使轉相告語勸誘其愚蒙然則公之課士其為教訓計也可知已李君承前郡司馬滇南楊君之後而與之媲美楊君潔己愛民廓清盜賊民歌頌之至今李君能繼其武刻刻以弭盜安民為事今復能體制府化民成俗之美意而為惠於吾鄉人士如此鄉人士其何以報稱其萬一哉茲承制府命以書院會課章程勸諸石用垂久遠因奉公長生祿位於右夾室以李君為配略表葵誠屬予記其本末予前歲曾應制府命忝為粵秀書院山長

佛山忠義鄉志卷五

教育二

書院

近以老病歸休喜吾鄉有公嘉惠而未克力疾躬詣以謝心常歉焉故勉應鄉人之請粗述其槩以誌公之德於不衰抑愚更有說焉曾子曰君子以文會友以友輔仁愚竊謂鄉人士會文於此便當互相勸勉身體力行勉肩斯道之任他日者出則堯舜其君民處則儀型其鄉里務使姦宄屏息禮讓興行海濱鄒魯之風復見此日則吾鄉富庶可以長保斯無負乎制府栽培及李君奉行之至意豈徒藉此以弋巍科躋顯仕已哉又豈徒口祝俎豆遂足以仰報制府及李君之德於萬一哉予因不禁推明公之所以屬望吾鄉之意以為鄉人士勸云里人陳其焜撰嘉慶四年己未仲秋立

重修佛山田心書院碑記

田心書院者始於康熙八年佛山僑籍士人建以祀文昌暇則於此會文焉地環以田故曰田心顧院無經費會文者凡一紙一茶一麪及獎賞所出歲捐貲以取給焉盛時會者至四五百人每十數人主一會歲則二十餘會會弓即日交主者受越宿則不受受則彙送鄉先達定甲乙魁者獎制錢百餘以次遞減粵中論文者至不敢輕閱田心會文謂此固文章藪澤恐去取稍苟貽笑大方此余自乾隆辛亥至嘉慶戊午與會八年所及見及聞者也嘉慶四年己未覺羅吉有齋協揆督粵時以煤廠充公銀二千兩發交紳士吳陳兩家置舖產入其租息作每歲院中會文獎賞之費自是院有經費而弊反由此生矣佛山多學館使每館月主一會則受弓者越宿可受也越二三宿亦可受也越宿可受則館中人能窺別卷之文有佳者或剽竊其一段一股一對潤色其文以博取前列也又其甚者館師擅加

評閱定甲乙偽押先達印章以誑人又其甚者所偽印章其人早已作古而莫之知也於是文人學士以赴院會文為戒以會文前列為辱院中盛會久為數學館之童蒙所據於戲協揆之愛士甚殷而士之報以弊者愈烈此又余於道光丙戌子告歸省時所及見及聞而心焉傷之無可如何者也歲戊子余奉先通奉諱遄歸大事既畢見院中棟宇朽蠹牆垣傾頽爰集同人捐助得銀一千兩有奇選廢材之可用者佐以新料於祀神正殿左右略加高深擇植桐槐二頭門旁添設兩便門院左右增置房一間小廊一所院外築月池沿砌石路費稍不足續捐得銀二百兩將底於成適鄉有官封賭博房產五所例應充公余請於督撫兩院撥入院產以歲息增獎賞總督李鹿坪尚書仍恐不敷復捐銀一千兩置舖房三間現歲租六十四兩零合撥入及吉協揆捐置舖產共得租息銀叁百六十七兩余慨然曰是可以復舊章而防來弊矣當房產未出租之前院工落成余以庚寅二月捐廉邀同人會文於院得文一千二百餘卷擇其尤者梓以問世既乃集眾公議將本歲原租及李尚書捐未置產一千兩之息銀自初會起加增獎賞魁者洋銀一圓餘亦每名照舊數遞增越宿以卷至者峻卻之每會至三四百人會日余屢至院門前與二三老友稽古論舊悠悠往事越三十餘年余獲復觀曩昔會文之盛心以慰矣因語學侶自己未以後院中諸弊叢生者無專責無稽查也今以明年為始設司事一人以專其責歲舉六家輪流稽查絕覬覦而計久長庶幾無詐無虞四方人文聞風而來者日新而月盛於以切劇道藝砥礪廉隅以上應當代文明之治他日紆華金玉翦羽風雲必有因

佛山忠義鄉志卷五

教育二

余言而重思吉李二公者眾曰然請記始末於石
道光九年歲次己丑十月里人吳榮光撰

按田心書院自嘉道以後日臻美備而其先則以積漸而擴充者也考康熙十二年癸丑僑籍陳繡卿盧挺樵等倡捐鼎建自大坪而門而堂而寢而序厥有制度胡景曾有記院內奉祀文昌至康熙二十一年壬申邵東垣唐賢峯曹曉峯江在公陳國侯萬侯約同志增魁星金甲神兩龕鄭際泰有記康熙五十三年里人左必蕃與僑籍諸子重修并建廳廚亦有碑紀其事乾隆七年壬戌首事馮登科陳世賢黃露黃振泗黃承灝等添建西堂公同泐石至於置產備用歲舉祀事文會有期則隨時措置相沿勿替者也凡此四碑備載陳志而碑石剝落舊志所載文字亦多殘闕有不能尋其文義者惟康熙庚午乾隆壬戌兩碑俱

載建於康熙十二年癸丑其增修年代在事人姓名及沿革大略尙堪辨認故摘要錄出彙爲一編以無忘經始且以志前人之勤焉撰人胡景曾官武昌府知府鄭際泰官檢討左必蕃官左副都御史乾隆壬戌碑爲值理公立并識

文昌書院 在明心舖文昌正街崇禎十五年壬午明鄉尙書李

忠定公建中祀梓潼帝君後祀李忠定鄉人士不忘公德奉以配

神也據吳志及採訪冊記文錄後

佛山忠義鄉志卷五 教育二 六
佛山中興歷漢蜀隋唐以至有宋拯溺亨屯誅逆助順寓內尊崇之操觚者乞靈干城者觀勝弓鞬祈禱靡不奔走趨事不但

書院

揚越已也公自幼服膺神教通籍四十餘年過化三邑以循卓稱典禮掌銓則寅清簡要凜然樹南宮眉目施以九列開府吳中吳爲天下財賦之區公汰奢侈崇節儉時瑞炤燭虐章凡數十上而無片詞媚權不茹不吐惟公有之比督漕務疏通運道輒無愆期時流賊披猖募行伍三千餉犒衣甲器械所費二萬餘無從搜括盡捐紙贖公費不足仍以俸繼之迨兩撫報代毋論薦舉不任謝恩卽一切俸薪堅辭不受江之南北至今服其廉潔口碑如一日也入掌邦教三邊持戟之士藉公宿飽免呼庚癸公移居公署杜交際絕情面仰屋而籌殫厥心力雖寢食亦且不遑以至積勞成病手足痿痺先帝憫其忠勤遣醫頒賚上尊禁縹絡釋於臥榻前眷注之隆近代罕見五疏乞骸始獲賜傳而行自公釋重負歸里省會監司干旌在門必求促膝以請語次無非爲桑梓計久遠當連寇竊發自鳩工以築統臺又增城北垣堞修復古路凡二百里歲祀捐廩以賑閭左人人德色所居之鄉設營堡建橋梁立大宗祠置嘗田書田鼎新元帝廟不靳解囊數千餘金鄉黨咸稱義舉至於居家則敦尙儉朴布衣蔬食無異書生能內外之人皆化之自公創爲書院文運蒸蔚而起諸士尊之如父師及捐館舍諸士失其典型哭公於書院奉其像位而祀之俾子爲記子知公之精爽陟降不越茲地生平靖共正直與神之俾子爲記子知公之精爽陟降不越茲忠簡創慈度寺於海珠清獻捨宅地爲學宮迄今四百餘年兩公血食附在寺學以公視之鼎足而三洵不朽盛事子雅服公在朝在野始終一節不揣書其崖略益信公之忠孝通於神明實不誣也

崇禎十五年壬午經始癸未冬落成據舊志撰人名氏失攷按九十六首本曹學詩陰隲文頌

心性書院 在峻岐舖舉人陳賓王建今圯

桂香書院 在祖廟舖李錫祚等建今圯

隴西書院 在明照舖今改為參軍李公祠

頴川書院 在耆老舖今圯

浣江書院 在祖廟舖今圯

輝映書院 在祖廟舖今圯以上錄吳志

福山書院 在紀綱舖紀綱街原屬民業後借為五斗司署今為

警察第四分駐所採訪碑記附

佛山夙稱福地居是鄉者災害罕逢厲虐鮮遇人咸歌樂土焉故不特商賈輻輳珍奇瑰異之物聚於斯凡各坊之文人學士咸來肄業課文相與切磨不倦私幸此鄉可以砥礪有成後先撥科正社學暨田心書院以為課文地其所以砥礪有成後先撥科第者指不勝屈然猶慮講習之區未盡闢課程之功未盡變王子歲闈鎮紳上踴躍醵金建設書院為增置會文之所期以仰

佛山忠義鄉志卷五 教育二 七

書院

副聖天子作育人材至意落成顏曰福山書院蓋言為皇歛福錫民則海遼山陬並受其福不徒以佛山本名福山之云爾也詩曰受福無疆又曰求福不同是可歌焉以鑄諸石乾隆五十七年歲次壬子桂月穀旦闔鎮值事紳耆張遇陽曹應池區應奎陳鼎菴霍超士陳君季梁茂然張肇昌區宏緒李天達霍祥洲陳紹謙袁象天洗湘梁均成葉楚華施早霖周漸壯陳以莊李寧子等同立

汾江義學 在柵下舖廣德里乾隆八年同知黃興禮倡建考是

時初設同知黃司馬蒞任伊始首先興學可謂知所先務者矣黃興

禮暨同知田宏祚均有記十九年增建求志齋同知毛維錡有記三十一年重修同知祖承

祐有記四十六年重修霍超士有記嘉慶間改稱書院五年同知楊楷移

建於豐甯舖衙旁街分府署左更名佛山書院義學故址尋廢其

原委員詳前人碑記並錄於左據吳志及道光縣志參修

汾江義學記

成周之制有鄉學有國學鄉學者二十五家為閭閻有塾五百家為黨黨有庠萬二千五百家為州州有序各萃其子弟而教焉俾仕焉歸老而有道德者為之師是也漢魏以降學制代更

至宋慶歷間允參知政事范仲淹之請詔天下郡縣各立學初
置教授迄今六百餘年祖其遺規而鄉學或有或無所在不一
夫教化始基起於閭巷則培養人材以儲國家之用鄉學之設
焉可緩哉南海為廣郡首邑有鎮曰佛山煙戶逾二萬四方狹
貨賄貿遷梯航畢集其土著暨僑居者秀異傑出之士多治經
生業闔閭鱗鱗絃誦相聞舊有崇正社學一區在祖廟左側建
自前明延山長課授生徒聖朝文教覃敷人才日盛向所謂社
學者庠隘不足以容則另僦民舍以為肄業所市廛喧雜深懼
弗勝乾隆戊午余調佐茲郡即謀所以廣之適刺史石門馮君
捧檄歸省其封公鹿步先生於里第語次雅有同志余遂割俸
三百金為倡馮君喬梓率諸紳士踴躍捐輸共成厥美會奉差
北上未暇鳩工比南旋亟飭匠選材圖完是役經始於癸亥秋
八月間五月而竣自講堂齋舍至庖溜之所畢具美箭嘉卉四
時蔥蒨觸目見造化生意宏整堅厚不事藻飾取垂久遠計糜
白金一千緡有奇諸生之負笈而趨者咸欣欣然有喜色請誌
其事余因進而詔之曰諸生亦知設學之旨乎夫學有讀書明
理講求經濟實用以為化民成俗之資非咕嗶章句取科第榮
身己也考慶歷時胡安定先生教授蘇湖設經義治事二齋以
課士有司請下湖學取其法著令為太學程召安定為國子師
迄今彪炳史冊今聖天子側席求賢孜孜圖治各憲仰承德意
以振興文教為己任如端溪粵秀兩書院皆遴聘宿儒厚給餼
廩朔望親枉車騎稽其課程諸生當斯時勉自樹立究明體
達用之實學異日出膺民社以治行著聞使天下憬然想慕蘇
湖之教余不敏竊有光焉若虛聲標榜徒為文章詞華之末是

佛山忠義鄉志卷五

教育二

八

義學

豈所望於諸生者哉諸生曰善遂次其語泐之石

誥授奉政大夫廣東廣州府分防佛山督捕海防同知加三級
天都黃興禮撰

南海靈洲謝銓書丹
乾隆九年歲次甲子春王正月穀旦立

汾江義學碑記

予筮仕嶺南得廣郡之龍門令繼又調瓊之樂會陵水及廉之
欽州乾隆丙寅年以邊徼俸滿陞授佛山同知政暇至汾江義
學與掌教及鎮之紳士論文講學見其地深而廣曠其宇峻而
麗講堂後兩旁學舍鱗次而列折而之西地可盈畝植以花柳
藏修之所計可容數十百人偉哉佛鎮之鄉校也詢之掌教咸
曰紳士捐發而成與前任黃君義學碑記若合符節迨歲底靈
應祠值事紳耆呈繳週年清冊予查核之下內有開列汾江義
學掌教聘儀脩金及一切鋪陳供應支銀八九十兩心竊疑之
見前任黃君碑未齒及爰訪紳耆復出案牘視之然後知義學
之建蓋有由也先是鎮之祠業歲租約三百九十餘兩被里排
侵蝕約正生員李懋諧籲於初任王君通詳列憲請建義學隨
蒙准行而王君已卒嗣後黃君以理事贊郡遷佛山同知蒞任
卽以建義學為首務遂與祠之司事梁東大區枚卜李成勵霍
信值月彭金祈李高等商度念購地庀材非千有餘金不足以
濟而祠租之三百九十餘兩除春秋諭祭及恭祝萬壽等項外
所餘無幾因勸闔鎮紳士捐簽及祠租之贏餘以充建學之用
又另議歷年掌教脩金供應俱在祠租撥出此義學之始終本
末而神恩之廣被為無窮也子謂上有菁莪棫樸之化下有磨

礪振奮之風上以學感下以學應此理之常無足異者今聖天子文治光華普天之下莫不俾率以歸於醇雅而神又佐以威靈出其餘贊成此鄉校使化而益化非盛世之樂觀者哉子因前碑之所未逮故備論之

乾隆十一年丙寅石阡田宏祚撰

汾江義學創自前司馬天都黃君堂廡庖福蒸備遂聘儒宿以主講席數年於茲人文蔚起負笈而來者溢於學舍振興之效略可槩見予下車月課諸生臨視慨然思有以廣之適有錢金乃於義學右偏隙地復構講堂翼以廡廊顏曰求志亦猶黃君所謂讀書明理講求經濟實用之意以相勸云爾予蒞茲土歲凡四更大吏調遣奔走之日多於撫理何異傳舍哉繼自今日益而擴之俾景慕之士不致於庫隘有造有德徧於鄉隅庶風為近古予蓋有厚望焉

乾隆十九年二月吳縣毛維綺撰

汾江固嶺海之名鄉也土生其中好學而多顯余分符廣州駐防斯地聞其俗之秀而文也竊用為忤下車與諸生相見即殷詢以勸學為第一義諸士咸有喜色若羨余之知所務者予因詢日鄉不有校乎對曰有義學一區在汾江之南前司馬天都黃公所倡建也予領之遂親詣其處則見庭堂軒敞羣房鱗整以是集多士講學洵得所矣獨是建於乾隆甲子歲迄今二十三年閱時非淺漸就圯矣講堂之梁蠹後室之垣崩瓦多穿漏門半朽敗余喟然曰夫事創之於前不能保其勿壞在後來者

佛山忠義鄉志卷五 教育二 義學 九

善補其缺耳為低徊久之繼而屢課生童給筆札具膳羞余巡覽終日益憮然不自安也爰進諸士委以重修蠹者易之崩者築之穿漏者完之朽敗者新之其費則出於靈應祠歲辦所餘之羨金凡三月告竣於是煥然改觀矣夫興廢舉墜政之善經矧事屬教育所繫尤重特患絀於財之無以應也余於靈應祠祀事督令樽節刊落浮冒遂歲贏百餘金此舉適藉以為用不費士民一錢殆神所樂予而默相之余敢自以為功歟抑聞之士無甯宇志或為之曠今堅緻完好居之安矣架貯經史亦羨金購置足資討論矣諸士其尚濯磨砥礪以仰副聖天子作人之雅化他日炳炳琅琅蔚為國華汾江其大有耀與夫後之視今亦猶今之視昔余踵黃君而有事重修以不負黃君開始之雅志矣迺歲之視積遺則飭舊葺頽不重有賴於後之人歟然則節無益以助教澤固蒞汾江者所宜留意也余有後望焉余有厚望焉諸士請書其事於石因爰筆揭其實云

乾隆三十一年丙戌孟冬吉旦立

重修汾江義學講堂碑記

汾江義學之建歷今四十餘年倡於乾隆戊午分憲黃君諱興禮公祖捐俸以率紳士簽題又益以靈應祠租共成此舉然是時雖延師教習尚屬權借他所未有定在也至癸亥購地於廣德里秋八月經始閱五月落成而義學遂廓然大觀焉自講堂而書齋而廚而井而餘隙地布置有條由是歌誦恆於斯游息恆於斯每歲不輟丙戌之歲分憲祖君諱承祜公祖暨李君諱良翰司臺延予在此掌教講習之暇嘗與生徒譬論升堂入

室之語而歎斯堂之正大光明斯室之精微深奧鼎建之功匪易也夫非堂則室無附非升則入無由故升堂爲學人進步第一關茲之講堂亦義學要地第一着也無講堂則宣教不肅課文無地顧不重歟乃去歲庚子堂忽遭靈傾頽未及修復今辛丑歲承分憲王君諱煦公祖暨劉君諱方煦鄭君諱紓兩司臺命復延予掌教遂權將麟麟社霍祠爲義學而重修講堂之議亟亟乎於是鄉之正副及司事紳耆諸先生體王公祖鄭司臺栽培後學至意竭力從事將今年靈應祠租餘羨之銀鳩工庀材以復講堂之舊并於各書齋朽敝者葺之闕冬初而告竣迴思予丙戌在此講學時堂固依然其不爽室亦端然而未改重修之視鼎建甯多讓耶繼自今我同人幸生聖主文治之朝各踴躍觀摩無負當道大人作養之深心無負鄉中紳耆勤勞之美舉居肆以成事焉可也乾隆四十六年辛丑仲冬立鄉進士文林郎截選知縣義學掌教霍超士撰

按汾江義學與書院名異實同故不入義學而列於書院

社學 詩社附

明制社學本以教民間子弟洪武七年詔天下立社學弘治十七年令府州縣各立社學民間幼童十五以下者遣入讀書清制各郡邑大鄉各置社學以生員爲社師免其徭役近鄉子弟年十二

佛山忠義鄉志卷五

教育二

十

社學

以上二十以內有志學文均入學肄業與今日高初小學中學三級學制無異無所用其強迫也鎮內以崇正社學爲最祖其餘四社學亦有名於時洗主事桂奇有四社學記照存

崇正社學亦稱文昌宮 在靈應祠左原爲佛寺明洪武八年始

改建社學安奉文昌神牌於中座顏曰文會堂嘉靖元年提學魏

公校手修十九年洪巡撫覺山飭郡守重修天啟七年李比部陞

問尙書待問龐主政景忠霍寺卿得之重修改供文昌神像仍春

秋展祀焉霍從龍順治九年築沐恩社房屋八間收賃值以供祀

事康熙二十四年重修四十二年復設月課龐上梓乾隆二十六

年會課費改由靈應祠租撥給陳炎宗沈乾隆三十五年重修同

韓紹賢考其建築與靈應祠相屬外門聯建甚壯偉外墀有石坊

曰雲漢爲章高聳兀峙過此爲內墀中爲堂後爲寢規模宏整中

祀文昌左魁斗神右金甲神為配後祀霍仲儒公鄉人士歲時會於社學會文則以四仲月歲撥祠租銀三十兩以供課費更由大魁堂年撥銀一十四圓以供祀典每歲鄉飲酒禮亦在社學舉行光緒十四年大魁堂紳董以原有古佛各像歲久剝落曾飾而新之後以詔罷科舉文會遂停改為詩社惟鄉飲酒禮自嘉慶四年規復後至今不廢歷朝碑記依次附後

修崇正社學記

本鄉文昌宮蓋先輩課藝暨虔修祀事之區也人文勃起科甲聯翩雖由人傑實關地靈蓋若斯之重哉歲久圯壞觀者不無中興之意迺應議鼎新而賞無從出數十年來竟成築舍說者謂近來文章匱采端實由此會比部李康老以忤魏璫還里瞻仰之餘低徊久之慨然捐資若干緡弁勸諸生隨家饒乏助工若干緡庀材鳩工鼎而新之於是圯者修壞者飭數十年頽廢之景象一旦輪奐且聽形家言遷大士於右殿恢厥門路高厥屏牆而塑文昌帝像於其中以起後學敬仰洵盛舉也工既訖而督漕尚書李葵老戶部主政龐未老皆齎助金至孝廉霍叔老亦慨往歲祀典不光甲子獲雋時捐貲二兩俾歲收子錢以修歲事而東莞氏之罰金與清查宮後鑄冶餘地歲租及文昌

佛山忠義鄉志卷五

教育二

士

社學

堂館租亦附焉嗣是而文獻有徵染盛豐潔人文輩出諸老之功真堪不朽矣但收支無籍則乾沒可虞今議設簿二扇凡歲中一切收租支數揭借出納俱要登明簿內以待稽查庶不失從來美意而後輩亦知振起之有自耳里人霍從龍撰

崇正社月課碑記

天有光華之象應於日月星辰地有榮昌之氣萃於山川河嶽人有經濟之才徵於文章品行故其人而端莊文則嚴正而博雅也其人而詭僻文則佻巧而幻竄也其人而淺俗文則疎庸而卑靡也一代之興應運以生者世不乏人處今日豈無卓然自命一出而應廟廊之選於以起草承明待詔金馬裕如者必其積學有素博通經史根柢性命之理者也如僅披拾餘唾僥倖一時亦屬塗飾耳目終非大成之器吾鄉自昔英賢輩出冠蓋相望其輝煌傳誌者指不勝屈文人萃聚彬彬大都會也邇因文體屢變操觚者靡所適從非得一二有識之士商確砥礪期歸大雅烏能出而穿楊拾芥名噪海內耶余解組林皋投閒十載竊以此舉商之同志茲幸羽翼有人踵而成之端不負先賢接武之意考社學舊有月課因供給無資今諸友慨然捐資創建舖舍歲收所入以勸會事實美舉也董厥成者有李公冕梁翰章彭壽庵洗襄文黃兼三洗容子若而人鳩工庀材不日而成昔先儒許衡有言為學莫先於治生藉此以資為學之具今而後文明日盛庶追蹤往哲與余願諸公始終如一余亦拜手而稱慶矣爰勒貞珉以誌不朽云

鄉進士奉直大夫協少正尹知湖廣安陸府荆門州事加一級前文林郎貴州甕安縣知縣兼掌貴陽府開州印務督理平大

黔威四府軍餉壬戌科鄉試同考官里人龐上梓拜撰

誥授明威將軍廣州左翼鎮中軍守備里人李聖龍書丹

鄉進士吏部候選中書李紹祖篆額

康熙四十二年歲次癸未仲秋吉旦

撥祠租給會課碑記

夫事有創之於前久而無容易者必其勢之可長守也亦有創
而旋或變而通之者則其時之合更張也惟不矢創之之意
爾吾鄉之文章甚盛而社學之會課尤昭其始無恆式或疎或
數間又墮弛爰有李君公冕梁君翰章等創為久遠計於靈應
祠外築兩旁小肆二十餘間收值以供課事蓋糾眾資而成
者時康熙癸未歲也會課歲凡四舉以春夏秋冬偶月循之至
今垂六十歲矣其擘畫措置洵大有裨於文事者顧天下事有
其舉之莫可廢也而或格於勢之所難行黜於義之所當革則
故轍難仍而機在善轉要使美舉長存實有所藉以引於無盡
此非識因時之妙操易簡之術者不能易曰窮則變變則通通
則久其是謂歟夫前所築肆靈應祠地也借祠地而有功於鄉
肆胡以壯觀瞻而稱鉅雄則盡毀而以地還祠蓋勢不容已而
義不得緩也然則會課將由是而廢乎曰何可廢也前六十載
之有會課固資神之地利矣茲宜仍求神之終其惠俾多士世
世拜神之賜也余知神必樂與而勿論也於是社中諸同人議
歲割祠租銀三十六兩以充課費與情協士心欣殆善繼昔人
之志也夫神錫福於吾鄉至渥也錫福以教思之無窮為大神

佛山忠義鄉志卷五

教育二

社學

若將其所有以仰贊聖天子文治故創建義學歲糜七八十金
昔於祠租取給會課與義學同條共貫耳彼既承給此亦宜然
況所給不及義學之半若尤簡而易行哉雖然社中受神之惠
固永賴矣而所以為報稱者安在夫乘此撥給之初毅然振起
謹飭其規款豐備其功需庶可宣神德而光文壘乎若第循一
歲四舉之故事苟且塞責是委神貺於草莽也且前仗小肆之
租尚或有不通缺不及時之慮今則叩祠箱而即應視前更完便
又奚為不公慎以勸雅典哉吾知涸厲日勤才華輩出當必有
負閣博之望膺絲綸之任者是神之大有造於吾鄉士也而始
事李梁諸君亦當默慶繼我耆之善成其美矣此千秋佳事不
可不記諸同人因以見屬於是乎書
乾隆二十六年歲次辛巳冬十一月穀旦里人陳炎宗撰

崇正社文會規費碑記

原夫社學之名昉自前代按洪武八年詔天下立社學以教鄉
社民人之子弟猶古之黨庠塾序也此佛山之有崇正社而社
之會課所由興歟然亦未得文獻之徵不敢以臆度也若其人
文之盛余則聞之夙矣今太史陳公雲麓家從叔篤師辛酉主
試之拔解試畢假歸省親余方薄宦江左從叔以便過署道粵
中人交之盛尤稱雲麓先生領袖羣英世居南海之佛鎮表望
木天所可豫決當由地靈所鍾云今春來蒞喜構斯文此非夙
昔之緣耶思揖多士分鑿課藝以抒二十年來積慕乃甫接篆
上臺即檄余董科務遠趨會垣未獲覘規梗概輒格不是釋茲
月之吉以假旋謁文帝廟壁間張崇正社學會課榜見而喜召
吏前詰以課之起以創自康熙癸未對問其規向定二四六八

月之四日許以未進之文武與俱各給以紙亭午治膳以供衡
文者有潤筆優等則獎勵有差問費所自出則鄉先達李公冕
輩百二十人於社右靈應祠前建市廛二十餘以歲入租稅為
資約可四十餘金聞此歎規畫之善洵鼓舞人才培養之良法
何風之古也越日孝廉霍君偕同事諸後彥進詞以往歲重新
靈應祠社中所捐之市舍悉撤去以廣其前廊社學之租則於
祠中之餘歲輸三十六金歸捐建償用將勒珉垂後請記於余
此與余所問答較詳盡因思國家人材莫不興起於學漢文翁
之教蜀也教養兼至期於適用一時聲教大洽比於齊魯唐州
學生徒學成者長吏設鄉飲之禮而薦送之韓子所謂歌鹿鳴
而來也吁古人之於學有如是耶他若鵝湖若安定遊其中者
胥趨於善卓然成材學之益於世豈細故哉崇正會課自李公
冕輩創義以還士之見用於世者鄉志具在今霍孝廉復聯同
志以綿其規絃歌不輟多士濟濟南海多衣冠氣吾烏知其不
為佛鎮守令程課學士益知向方者更得稱便捷收實效將見
日新而月盛論秀而升士之飛黃騰達試禮部對大廷其才足
以魁天下不於此社會課其其始哉他日歸晤我叔亦得舉崇
正會課良規以告見佛鎮人文之盛有自來也爰樂為之記
乾隆二十七年歲在壬午六月望浙江沈生遴撰

重修文昌宮寢碑記

南海之佛山鎮嶺南一都會也余忝分符廣州駐防其地首留
意於士俗竊歎其士民之好義而奮於公也夫官典所貴者祝
聖壽宜上諭居恆懷懍懍周敢敦焉而佛山士民迺知以此為第

佛山忠義鄉志卷五

教育二

社學

一義非素矢敬慎者能見及此歟夫既重其事則必定厥宇倘
匪軒敞整備之處未足以明度鄉有文昌宮在靈應祠左夙稱
宏潔以是為釐祝讀法之所亦云妥矣余下車之始心竊嘉之
俄而彭生金祈等以堂將圯宜亟修來告余曰善哉是不可緩
也爰允其請且助以鞏固未幾舉人霍君超士等又以併修後
寢來告余曰事有相因而濟者不亦善乎殆不容已也同事者
其連歲修之以觀厥成茲兩俱告竣矣余甚喜其公事之完美
也蓋前之請特章已形之廢壞後之請則預救將形之傾頽合
堂寢而重新之煌煌乎偉觀也歟士民趨赴之勤其曷可沒與
矧是舉也出靈應祠租羨之項不費民間一錢又仍其舊而飭
理之無絲毫變易而已煥然聳人心目矣是豈徒神之安其宇
哉於以頌萬壽之無疆揭聖訓之有典有則用以嚴庭階而遙
瞻雲日庶幾乎肅視聽而共尚典型余且藉是以伸其儼恪而
士民尊親之誠亦於此著矣其有神大義豈淺鮮哉夫佛山五
方雜處商賈輻輳而士民顧慕義急公若是此蒞斯土者之所
樂與也為怵慰者久之適彭生等謁余請記其事余為述其由
來暨其一再之勞瘁可垂久遠而有賴也付諸貞珉庶復得以
覽焉佛山同知韓紹賢撰 據吳志及採訪冊參修

崇正社學沿革記

本社學中座原係佛寺後座觀音殿經教公瑾一併重修至洪
武八年始改建社學安奉文昌神牌於中座顏曰文昌堂嘉靖
元年提學魏公校手修復迨天啟七年李比部陞問尚書待問
龐主政景忠霍寺卿得之始開通中座文昌堂門路特塑文昌
像於後座而遷觀音大士於靈應祠右仍將原寺之小古佛石

土地及敖公祿位照舊祀後座外其原堂內之士神牌位并
耐焉均詳碑志今古佛各像歲久剝落因悉開光仍舊祀之時
光緒戊子三月三日大魁堂團
練總局崇正社學同人謹識

厚俗社學 在明照舖厚俗里明嘉靖間與崇正蒙養敦本並稱

為四社學者也據明洗主事桂奇四社學記謂皆嘉靖元年督學

魏公莊渠毀諸淫祠改建九年洪巡撫覺山公飭郡守與其餘各

社學同時並修名稱亦洪公所定康熙五年區兆魁等重修李象

豐有記其後再修於雍正十年中祀文武二帝吳志祀典內之二

帝廟實即指此今以李氏記文附後洗記則逮於四社學之後焉

據吳志及採訪冊參修

重修厚俗社學記

吾儒德業不恃生質之良也而在乎學之之功又不獨學之之
功也而先乎教之之力一人之教莫若推於一家一家之教莫
若推於一鄉古者家有塾矣黨必有庠所謂一道德而同風俗
不在是歟吾鄉之有社學其來已遠日崇正日敦本日蒙養本
坊厚俗居其一焉前人聚族於斯以為聖人之道百行典型不
可不亟講也於是鳩工庀材巍然堂構俾羣子若弟少而習之

佛山忠義鄉志卷五

教育二

齒

社學

壯而行之以成仁厚之風此社之所由設名之所由命也意良
美矣以故人文蔚起或以行誼著聲或以經學名世或撫字而
載歌良牧或執法而敢忤權璫或主計而持籌憂勞成痼或矢
志孤忠慷慨臨難豈非居恆教之有方學之有漸為斯社之明
驗也哉迨歷久風雨頽其南陽而前楹奉祀參差不一幾於廢
墜維新孔亟余有志焉而未能逮也會里中區君何君首倡厥
議相率簽助得若干緡適平虛上人駐錫境內共襄盛事經始
於今夏六月念六之吉迄仲秋而落成祀諸神位仍之也而遷
於堂念事重名教義捐者不可以不記屬余為言勒諸貞珉以
垂將來余惟斯社盛德大業所從始也有前人之開創文章幸
興藉今日之紹修儒風丕振是作者與述者或穆然於古道矣
後之學者少習壯行毋忘斯意庶幾終成厚俗乎若夫文章經
濟蟬聯鵲起媿先賢之休烈而光大之余不敏矣願諸君子交
勉焉區君名兆魁字文昭何君名賢字奕良上人法名成均字
平虛並有功於斯社因備記之里人李象豐
康熙五年歲次丙午冬十一月二十六日立石陳志

蒙養社學 在錦瀾舖今圯 採訪冊

敦本社學 在社亭舖舒步街中廢光緒十九年重修 採訪冊

四社學記

吾鄉故有社學四焉蓋督學莊渠魏公所毀諸淫祠改建者也
是時崇本務實教化興行風俗改觀人才輩出余時尚少列諸
生歌詩習禮今猶能記憶其盛自莊渠公去後教化不修社學

且廢二十餘年矣嘉靖庚子婺源覺山洪公巡按我廣慨然以風俗爲己任查復各郡邑社學學憲西洲歐陽公郡守西村胡公奉行惟謹吾鄉社學遂復修馬社學師俱由郡守選經明行修者充之其教先德行而後文藝士習彬彬然可觀矣先是社學扁額不存覺山公乃取義命名因方立教曰蒙養示養也日敦本示立也日崇正示趨也日厚俗示風也是故果行育德則蒙養端履忠居信則本立固釋同反經則趨向正隆禮由讓則風俗淳於以作聖入神崇德廣業此其大務也然則社學之設豈徒階利祿已哉余懼人昧諸公作興意也故爲記之冀與諸君子勉焉嘉靖辛丑九月日記洗桂奇撰錄吳志

忠義社學

報恩社學

按洗主事四社學記崇正厚俗蒙養敦本皆督學魏公校

毀淫祠改建今蒙養已就荒而忠義報恩二社學不知創

於何時今僅有社存焉學地竟無可考矣以上節錄吳志

又按忠義社在祖廟舖報恩社在錦瀾舖

鎮安社學 在柵下舖新勝坊光緒十七年建

佛山忠義鄉志卷五

教育二

五

詩社

真明社學 在真明舖三聖廟道

春秋吟社 在崇正社學文會堂光緒末年科舉既廢因以社學

文會改爲詩社洗寶楨有啟一道附後

崇正文會堂創設春秋詩社小啟

懿夫星雲糾縷播盛世之休徵日月光華頌聖朝之瑞應阜財解愠韻譜舜琴鑿井耕田音流堯軫尚已然而貞淫奢儉備輔軒以采風竟栗直溫教胄子以言志可知緣情體物合朝野而胥同觸景撫懷統古今而一致也自時厥後球鐘愈暢舞詠方滋虛元流正始之音氣質馳建安之體號稱王霸劃湖水以分疆慧應星精吟華山而近日廟廊體重館閣才高至若野老謳吟自鳴天籟兒童呼嘯曲中人心山僧亦解題松閨秀咸知詠絮陶情淑性與禮樂而同深易俗移風卻刑法而不用詩之爲用溥矣詩之爲功大矣自夫瓦缶雷鳴金鐘響寂試帖昌而雅音絕制藝盛而古調亡六字之吟頓忘谷永七言之作竟味柏梁獨振宗風誰作騷壇主將別聯雅會端推藝苑詞人我崇正文會堂創自國初興於曩昔迴憶文論尊酒八股才雄咸思妙選青錢五魁名重今則學堂廣設新政頻頒而本堂公款無多敷支難繼擬欲撥充學費則涓壤無補於河山還思重拓詞壇庶螢燭增輝平日月誠以體育智育德育之教不廢絃歌小學中學大學之規並爛吟詠且任味非無樂府情不隔於華夷侏儻亦有歌場事實通乎中外於是合春秋而結社分月且以評

才騰雅詠於汾江朗高吟於古洛春花灼灼擗銀管以擣詞秋月娟娟敲玉壺而挾藻風追李杜派衍盧王七步馳聲八義表譽輪扶大雅自有情深韻遠之章治啟文明斷無迹熄詩亡之慮復唐虞之盛軌敷文帝階羅屈宋之騷才振聲天邑曷勝延佇首切提倡此啟

採訪冊

龍塘詩社 在社亭鋪朝市街陸沈園內榜曰木蘭堂白香山所書堂主人吳荃選設詩社於此與霍小芙孝廉張少圖陳鐵道鄧星垣梁若柴勞星桐張閣侯區柘仙諸茂才及葉星河張階平譚佩琴等四十餘人唱和其間春秋佳日及時讌集亦一時嘉會云

出有汾江酬唱詩集三卷

採訪冊

石龍詩社序

竊謂詩本性情而性情之發因乎運會吾人當鼎革之際絕續之交知必有感情太息不能已於言者又必有雍容揄揚和其聲以鳴國家之盛者第無以扣之不能應筵而響今葉君星河張君少圖屢謀於余欲重修社事以繼南園之後復憇余為騷壇盟主余曰三百篇後正聲絕矣況自漢魏六朝以逮五子三百餘年音沈響寂忽忽至今瓣香久墜使夫國運之隆替政教之良窳風俗之醜澆卒無有詠歎長言能資觀感以為世道

佛山忠義鄉志卷五

教育二

六

詩社

人心之助誠懋事也余不敢辭遂於敝園為聚會之地安置筆研重新旗鼓異日當有于于而來率其性情發為歌詠或頌不忘規或潤色鴻業足備輶軒之采者又豈獨籠之碧紗畫之旂亭徒為敝園光哉社既成爲述其緣起

民國三年甲寅八月南海吳荃選序於吳園之石龍池館

論曰廣州有海濱鄒魯之稱則文學其天性殆將比隆於在昔歟不然何吾鄉社學書院之多嘉會而義學又專以課生徒也夫人文之聚固風土之良而學術所宗以性道爲貴吾廣自陳白沙以道學倡而湛甘泉接其緒王陽明又遙應於浙水海內翕然從之鄉先輩如梁日孚洗少汾或遠問業於王或近得師於湛皆能淡於仕進而靜會本原故梁出則直聲震天下洗處則高致匹古人其時有龐振卿嵩者甘泉高弟子也所居距鄉咫尺人稱粥唐先生甘泉命主天關書院蓋卽白沙之以嘉會樓付甘泉歟當日與梁洗並興蔚爲儒表流風餘韻今猶未遠矣有志之士其肯甘自

菲薄不希蹤於諸賢哉若徒徇詞章之俗學侈聲氣於名場則院社止供文酒之歡而義學不收育才之效曷足尚歟夫惟肩聖賢之大業紹理學於海濱端介足信乎鄉邦出處悉符於曩哲斯迺邁絕時流共欽豪俊耳噫微斯人吾誰與歸

陳志

按佛山書院卽汾江義學今已改建學堂田心書院租息亦撥充學堂經費崇正社學改詩社其餘皆有名無實非復昔比而前人經營之苦心與上官嘉惠之美意有不忍羸滅者讀洗少汾四社學記及諸碑記猶想見當日文風之盛人才輩出後先相望未始非諸院社之有以振興而鼓舞之也夫取士之法歷代不同上以是取下卽以是應而學問一道則亙古不易陳志著論直揭教育本源而防其弊於吾鄉學派尤爲親切文獻尙在敢曰無徵故照舊

佛山忠義鄉志卷五

教育二

七

詩社

錄存竊比於公扈氏之習故云爾